

S O S N U R A G H E S

Iscuru cussu populu qu'est privu
de calch'istoria bella e gloriosa,
e qui no laxat opera pretiosa
ad ammustrare cantu fit attivu.

Ma sa Sardigna, Mastra de prodessa,
in gherra e in paghe, podet affirmare
qui no s'est facta mai superare
in proas de valore e de grandessa.

Dogn'invaasore hat pagadu cara
sa prepotentia barbara inziville
contra su sardu poveru foghile,
sempre difesu cum bravura rara.

Ma sos qu'appretio 'e Te, subra 'ogni cosa,
Sardigna amada, sunt **custos** ammentos...
sunt sos insignes sacros Monumentos,
sunt sos Nuraghes de s'Era famosa!

Ah! bellas Torres sardas, fraigadas
chena calchina, summ'abilidade,
cando in su mundu, dae s'humanidade,
tanas e grattas s'idiand abitadas.

Minores, mannas, sunt in dogni logu,
e sunt noemiza sos annos passados,
dae cüssos tempos qui funt adorados
su Sole ei s'Abba, paris cum su Fogu!

Cal trabagliu, cale perfezione!
Opera eterna, abberu soberano,
de cuss'antiga razza forte • sans
ses sa plus manna fervid'expressione.

Ma adda nos has padu de seguru,
paru si sos sapientes hant chircadu
de fagher loghe in totu su passadu...
Nuraghe ses restadu, mudu e oscuru!

Whé! pagu importat sa curiosidade,
bastat ad mie ischire cum zertesa
qui testimonhos sunt de nobilesa
de sa Nazione sarda in cuss'edade.

Cussa Nazione sarda indipendente,
mama de fizos fortes e geniales
qui nos laxesint signos immortales
d'un'arte rara, preju de sa mente!

Sardos de como!... frades istimados!...
chircamos tot'ampare d'operare
pro sa Sardigna ricca in terra e in mare,
comante Nuraghesos inspirados!

Custu dovere sacra nos hant dadu,
coment'ambida e digna eradidade,
potat sa nostra forte voluntade
sighire e superare 'ogni passadu!

Bastia Pirisi

Bastia Pirisi - VILLANOVA MONTELEONE